

SIARAN AKHBAR UNTUK SIARAN SEGERA

LEBUHRAYA KLK & LPT 1 UMUM DISKAUN TOL 10% SEMPENA HARI NATAL

- *Sediakan TTA untuk membantu menyuraikan trafik dan mengurangkan kenderaan bertembung pada sesuatu masa yang sama di plaza tol.*
- *Tiada khidmat tambah nilai di lorong tol sekiranya trafik mulai padat.*

Kuala Lumpur, 19 Disember 2017 – ANIH Berhad, pemegang konsesi Lebuhraya Kuala Lumpur-Karak (KLK) dan Lebuhraya Pantai Timur Fasa 1 (LPT 1) mengumumkan diskaun tol 10% sempena cuti perayaan Hari Natal sebagai inisiatif program tanggungjawab sosial korporat (CSR) untuk menghargai pengguna.

Diskaun tol untuk semua kelas kenderaan itu akan berkuat kuasa dalam tempoh 24 jam bermula jam 12.00 tengah malam hingga jam 11.59 malam pada Isnin, 25 Disember 2017.

Pengarah Eksekutif ANIH Berhad, Dato' Nik Fauzi Tan Sri Nik Hussein berkata, inisiatif memberikan diskaun tol menjelang semua jenis perayaan utama di Malaysia yang diperkenalkan sejak 2011 ini adalah sebagai tanda terima kasih Syarikat kepada semua pengguna KLK dan LPT 1.

Sementara itu, Dato' Nik Fauzi berkata ANIH Berhad turut mengeluarkan Jadual Cadangan Waktu Perjalanan (TTA) sebagai rujukan pengguna untuk merancang perjalanan pulang ke pantai timur sempena cuti perayaan Hari Natal.

Beliau berkata, TTA ini disediakan untuk membantu menyuraikan trafik dan mengurangkan kenderaan bertembung pada sesuatu masa yang sama di plaza tol (waktu puncak), khususnya di Plaza Tol Gombak, Plaza Tol Bentong dan Plaza Tol Karak hingga boleh menyebabkan kesesakan.

Waktu-waktu puncak di mana trafik dijangkakan membanjiri Lebuhraya KLK & LPT 1 sempena cuti Hari Natal adalah pada 23 Disember 2017, iaitu mulai jam 11 pagi hingga 1 petang (untuk trafik menghala ke pantai timur) dan pada 25 Disember 2017, antara jam 3 hingga 6 petang (untuk trafik menghala ke Kuala Lumpur).

“Sehubungan itu, kami menyarankan pengguna yang ingin menuju ke Pahang pada 23 Disember untuk masuk ke lebuhraya sama ada pada jam 12 tengah hari hingga 3 petang ATAU antara 7 hingga 11 malam. Pengguna yang ingin menuju ke Terengganu dan Kelantan pada tarikh yang sama pula boleh memulakan perjalanan antara jam 6 hingga 10 pagi ATAU jam 5 petang hingga 8 malam,” katanya.

Dato’ Nik Fauzi berkata, untuk kembali semula ke ibu kota pada 25 Disember, pengguna dari Pahang boleh memilih sama ada untuk memulakan perjalanan antara jam 6 hingga 10 pagi ATAU antara 7 petang hingga 11 malam. Pada tarikh yang sama, pengguna dari Terengganu pula disarankan untuk memasuki lebuhraya antara jam 8 hingga 11 pagi ATAU antara 8 hingga 10 malam, manakala pengguna dari Kelantan boleh menggunakan lebuhraya bermula jam 6 petang hingga 10 malam ATAU antara 9 malam hingga 12 tengah malam.

Beliau berkata, seperti mana musim perayaan sebelumnya, pengguna yang ingin menuju ke pantai timur boleh mendapatkan jadual TTA di laman web ANIH Berhad atau mengikuti Twitter @LPTTrafik dan Facebook Lebuhraya Pantai Timur.

Dato’ Nik Fauzi berkata, Syarikat juga ingin memaklumkan bahawa Lebuhraya KLK dan LPT 1 telah melaksanakan kaedah pembayaran tol secara elektronik (ETC) sepenuhnya. Oleh itu, pengguna dinasihatkan sentiasa memastikan baki kad Touch ‘n Go (TnG) mencukupi sebelum memulakan perjalanan.

“Perkhidmatan tambah nilai kad di lorong tol akan ditutup sekiranya trafik mulai padat bagi mengelak berlakunya kesesakan di plaza tol. Sekiranya ingin membuat tambah nilai atau membeli kad TnG, pengguna boleh melakukannya di Pusat Khidmat Pelanggan (PKP) di sepanjang KLK dan LPT 1 iaitu di Plaza Tol Gombak, Plaza Tol Bentong, Plaza Tol Karak, Plaza Tol Temerloh dan Plaza Tol Kuantan dari jam 7 pagi hingga 10 malam setiap hari. Pengguna turut boleh membuat tambah nilai di kios layan diri di Hentian Sebelah Gombak (arah barat), Kawasan Rehat & Rawat (R&R) Genting Sempah, R&R Temerloh (arah timur dan barat) dan di Plaza Tol Gambang,” katanya.

-Tamat-

Tentang ANIH Berhad

ANIH Berhad adalah pemegang konsesi Lebuhraya Pantai Timur (LPT) yang merangkumi komponen Lebuhraya Kuala Lumpur-Karak (KLK) dan Lebuhraya Pantai Timur Fasa 1 (LPT 1), sepanjang 250 kilometer (KM). Bermula dari Gombak di km19.2 Lembah Klang hingga ke Jabor di km250 Terengganu, LPT meningkatkan masa perjalanan, dari Lembah Klang ke bandar-bandar utama di sebelah Pantai Timur, terutamanya Kuantan. ANIH Berhad juga adalah pemegang konsesi Lebuhraya KL-Seremban. Operasi tol dan penyenggaraan rangkaian-rangkaian lebuhraya ANIH Berhad diurus oleh Kumpulan AlloyMtd.

Untuk pertanyaan, sila hubungi:

1. Fazlyaton Hussein, Ketua, Komunikasi Korporat
fazlyaton.hussein@alloymtd.com
2. Ahmad Farizal Abdul Hajat, Naib Presiden,
Pengurusan Media & Editorial, Komunikasi Korporat
farizal.hajat@alloymtd.com
3. Sofia Roseli, Eksekutif,
Pengurusan Media & Editorial, Komunikasi Korporat
sofia.roseli@alloymtd.com

**Siaran Akhbar dikeluarkan bagi pihak ANIH Berhad oleh:
Jabatan Komunikasi Korporat
AlloyMtd Group**

1, Jalan Batu Caves, 68100 Batu Caves, Selangor Darul Ehsan, Malaysia
Tel: 03-6195 1111 Fax: 03-6188 0101 Website: www.alloymtd.com